

TEZAUŢ LITURGIC
25 DECEMBRIE

ACATISTUL
NAŞTERII
DOMNULUI



TBILISI, 2000



დაუჯდომელი საგალობელი უფლისა და მაცხოვრისა ჩვენისა იესო ქრისტეს შობისა

კონდაკი 1

ყოველთა ტომთაგან გამორჩეულსა, წმიდათა
ანგელოზთა უწმინდესსა ქალწულსა, და მისგან
ხორცშესხმულსა ქრისტესა ღმერთსა ჩვენსა;
სამადლობელსა შემოგწირავთ მონანი შენნი, მეუფეო.
შენ, რომელსაცა გაქუს მოწყალებაი აღურაცხელი,
ყოველთა ჭირთაგან განგვათავისუფლენ ჩვენ,
მშობელნი შენდა: იესო, ძეო ღვთისაო, კაცქმნილო
ჩუენთვის, დიდება შენდა.

იკოსი 1

გუნდნი ანგელოზთანი შეკრბეს ბეთლემს, ხილვად
გონებამიუწვდომელისა შობისა შენისა და იხილვეს რა
შემოქმედი თვისი ბაგასა შინა მწოლარეი,
განჰკვირდეს! და კრძალვითა მღალადებელთა,
ღირსად თაყვანისცეს შობილსა და მშობელსა,
გალობითა ესრეთ: ძეო ღვთისაო, მამისაგან შობილო
უწინარეს ყოველთა საუკუნეთა, დიდება შენდა.

დიდება შენდა, მამისა და სულისა წმიდისა თანა
ყოვლისა შემომქმედო;

დიდება შენდა, მაცხოვრებელო წარწყმედულთაო;
 დიდება შენდა, მომძიებელო შეცდომილთაო;
 დიდება შენდა, აღდგომაო მკვდართაო;
 დიდება შენდა, წარმომაცარიელებელო მტრისა
 გესლისაო;
 დიდება შენდა, კვლავადცა გამხმელო ურჩობითა
 დაბეჭდულისა სამოთხისაო;
 დიდება შენდა, აღმატებით შემყვარებელო კაცთა
 ნათესავისაო;
 დიდება შენდა, სოფლად განმაცხადებელო
 ზეციურისა ბაგისაო;
 დიდება შენდა, ქალწულისა, მშობელისა შენისათვის,
 გამზადებელო ქერუბიმთა ტახტისაო;
*იესო, ძეო ღვთისაო, კაცქმნილო ჩუენთვის, დიდება
 შენდა.*

კონდაკი 2

წმიდისა ქალწულისაგან ხორცშესხმულისა, თვისისა
 მეუფისა მხილველნი, უხორცო ანგელოზნი
 შეძრწუნებულნი იტყოდნენ ესრეთ: დიდებული ესე
 საიდუმლოი ჩუენდა გამოუთარგმნელ არს: ფრიად
 განკვირვებულნი გამოუთქმელისა წყალობისა
 შენისათვის, კრძალვითა გიგალობდნენ: *აღიღულია.*

იკოსი 2

ყოველი გონიერი არსება შეძრწუნებულ არს და
გალობითა მადლობს შენსა შობისა საიდუმლოსა!
ზეციური ძალნი იშუებენ შესხმითა: დიდება მაღალთა
შინა ღმერთსა და სოფელი კაცთა თანა ხარობს, ხოლო
ჩვენ დაუცხრომელად გიგალობთ:

დიდება შენდა, ღმერთო, ზეცათა შინა
განდიდებულო;
დიდება შენდა, დამამკვიდრებელო ქვეყანასა ზედა
მშვიდობისაო;
დიდება შენდა, ჩუენისა შენდა შემრიგებელო;
დიდება შენდა, სოფელსა შინა ჩუენდა მოვლენილო;
დიდება შენდა, თაყვანისცემად შენდა მოგვთა
მხმობელო;
დიდება შენდა, მომწოდებელო მსახურებად შენდა
ყოვლისა ქმნულებისაო;
დიდება შენდა, ჩუენისა შენდა გალობად
გონიერმოფელო;
დიდება შენდა, ჩუენისა შენდა ერთობაო;
დიდება შენდა, გამომხსნელო ჩუენო ერთობითა
ამითაო;
*იესო, ძეო ღვთისაო, კაცქმნილო ჩუენთვის, დიდება
შენდა.*

კონდაკი 3

სიმტკიცითა ძლიერი, ღმერთი ქვეყნიერებისაი და
მამაი მოწყალებათა, მოვიდა ხსნად სოფლისა,
წარწყმედისათვის განწირულისა: აწ ყრმა იშვების
ქალწულისაგან ბეთლემსა შინა. მითვე დედაი და
ცხოვნებისა შუამდგომელი ეუწყების ყოველთა
განკაცებისა მისისა მადიდებელთა და
მგალობელთა: *აღიღოუია.*

იკოსი 3

მქონებელი მეოხად შენისა სიწმიდითა მშობელისა და
ჩუენზედ მოუკლებლად მლოცველისა,
განმხიარულებულნი ვუგალობთ შენსა განკაცებისა
საიდუმლოსა, მეუფეო; და შობასა ქალწულისაგან
ღვთივსასურველსა დიდებისმეტყველებით
ვულადადებთ;

დიდება შენდა, ძეო ღვთისაო, ხორციელქმნილო
ჩუენთვის;

დიდება შენდა, ძეო ქალწულისაო, გამოუთქმელად
შობილო ქალწულისაგან;

დიდება შენდა, მაჩვენებელო ჩუენდა უფსკრულისა
კაცთმოყვარებისაო;

დიდება შენდა, ჩუენისა უსაზომოდ შემყვარებელო;

დიდება შენდა, მომძიებელო შეცდომილისა კრავისაო;

დიდება შენდა, მისითა პოვნითა, ანგელოზისა
 სიხარულითა მაუწყებლო;
 დიდება შენდა, მისისა ბეჭთა ზედა მტვირთველო;
 დიდება შენდა, კრავისა ამისა მამასა თანა
 აღმცვანებლო;
 დიდება შენდა, კაცთა და ანგელოზთა დასის
 შემაერთებლო;
 დიდება შენდა, განმათავისუფლებლო ხიბლისაგან
 სოფლისაო;
 დიდება შენდა, დიდებულისა და გამოუთქმელისა
 წყალობისა ჩუენზედა მომღებლო;
 დიდება შენდა, ყოველთა ქმნულზედ უმეტესად,
 ჩუენისა შემცვარებლო;
*იესო, ძეო ღვთისაო, კაცქმნილო ჩუენთვის, დიდება
 შენდა.*

კონდაკი 4

ღელვისა შინაგან მქონებელი გულისიტყვათა
 იჭვნეულთასა მართალი იოსები აწ ბაგასა ღვთიურსა
 შიგან ჭვრეტს დიდებულსა ყრმასა ქალწულისაგან
 შობილსა, გარნა გულისხმაჰყოფს ღვთისაგან
 ჭეშმარიტისა: მითვე ჯეროვნად თაყვანს-სცემს,
 სიხარულითა მგალობელი: *აღიღუთა.*

იკოსი 4

ესმა წინამძღვარსა ანგელოზთასა უწყებაი შობისა
 სოფლისა მხსნელისა ქალაქსა დავითისასა: და
 მსწრაფლ იხილვა იგი, ვითარცა კრავი მწოლარეი და
 მხოლოდშობილისა მოწიწებითა მსახური, იოსებსა
 შიშითა მიეახლა; აუწყა თქმული მათდა და
 თაყვანისცა რა შობილსა, სთქუა:

დიდება შენდა, კრავო ღვთისაო, მხსნელო სოფლისაო;
 დიდება შენდა, ძეო ღვთისაო, მაჩვენებელო ჩუენდა
 სასწაულისა გამოუთქმელისაო;

დიდება შენდა, ანგელოზთა გალობისა ჩუენდა
 სმენისა ღირსმქმნელო;

დიდება შენდა, ჩუენტვისცა მათთანა

დიდებისმეტყველებისა მსწავლელო;

დიდება შენდა, ანგელოზთა და კაცთა შენდა
 გალობისა გულისხმამყოფელო;

დიდება შენდა, ზეცასა და ქვეყანასა შინა სიხარულისა
 შემომქმედო;

დიდება შენდა, რამეთუ შენითა ზეციერნი მიწიერთა
 თანა დასობენ;

დიდება შენდა, უძლურისა ეშმაკისა ძლიერებისა
 შენისა მაჩვენებელო;

დიდება შენდა, მისისა სატანჯველისაგან
 განმათავისუფლებელო ჩუენო;

დიდება შენდა, გამოუთქმელო სიხარულო შენდა
მორწმუნეთაო;

დიდება შენდა, სიტკბოებაო საკვირველო
მოყვარულთა შენთაო;

*იესო, ძეო ღვთისაო, კაცქმნილო ჩუენთვის, დიდება
შენდა.*

კონდაკი 5

ღვთივმავალი ვარსკვლავი, ქრისტესა შობისა
მაუწყებელი, იხილვეს ვარსკვლავმრიცხველთა
მოგვთა და მისითა ძღვანებულნი, მიულწეველისა
მიმართ მიიწივნენ და უხილავი პირი მისი იხილვეს:
რომლითა განმხიარულებულნი
ღაღადებდნენ: *აღილუია.*

იკოსი 5

იხილეს რა სპარსთა მეფეთა ხელთა ზედა
ქალწულისათა უფალი უფლებათაი, ვითარცა
ქერუბიმთა ტახტსა ზედა მჯდომარეი და მეუფედ
მცნობელნი მისნი, რომელმანცა თავი თვისი
დაიმდაბლა და სახე მონისაი მიიღო, ისწრაფვიდეს
ძღვენითა მისდა მსახურებად: ოქროითა, ვითარცა
მეუფესა ყოველთასა, გუნდრუკითა ვითარცა
ღმერთსა, მურითა ვითარცა უკვდავისა და
თაყვანისცემითა გიგალობდნენ:

დიდება შენდა, ნათლისა ყოველთათვის
 განმაბრწყინებელო;
 დიდება შენდა, ვარსკვლავითა ჩუენისა შენდა
 თაყვანისცემად მომხმობელო;
 დიდება შენდა, უმოწყალოსა იროდისა სიბოროტისა
 მამხილებელო;
 დიდება შენდა, მისისა ამაოისა განზრახვისა
 მაჩვენებელო;
 დიდება შენდა, მისვე საცთურისაგან ჩუენო
 განმათავისუფლებელო;
 დიდება შენდა, სიმართლისა მზისა თაყვანისცემისა
 მსწავლელო;
 დიდება შენდა, გონებათა ჩუენთა განმანათლებელო;
 დიდება შენდა, შობითა შენითა
 მრავალღმერთიანობისა ხიბლისა განმაქარვებელო;
 დიდება შენდა, საფარდულისა მტრისასა
 დამამხობელო;
 დიდება შენდა, მამისა და სულიწმიდისა თანა, შენისა
 თაყვანისცემისა ჩუენდა მსწავლელო;
 დიდება შენდა, ჩუენისა მაცდუნებელისა გველისა
 თავისა შემმუსვრელო;
 დიდება შენდა, სამარადისოისა სიკვდილისაგან
 მხსნელო ჩუენო;
*იესო, ძეო ღვთისაო, კაცქმნილო ჩუენთვის, დიდება
 შენდა.*

კონდაკი 6

საღვთოისა უწყებათა აღმასრულებელ თვით იქმენ
მაცხოვარ; აწ თავი თვისი სოფელსა მოუვლინე,
მხსნელო და უაზნო ბაგასა შინა წმიდა ქალწულისაგან
იშევ – და მდიდარი ნებსით დაგლაზაკენ და კაცნი
განამდიდრე, სარწმუნოებითა შენდა
მაღლობელნი: *აღილუთია*.

იკოსი 6

გამობრწყინდი დედისა შენისა, უქორწინებელისა
ქალწულისაგან, იესო, ვითარცა მზე, განმანათლებელი
და სიცრუისა ბნელისა განმდევნელი; ეშმაკნი,
მხსნელო, ვერდამტეველნი შენისა სიმტკიცისა,
ყოველნი შეძრწუნდნენ და შენისა საკვირველებისა
მნახველსა, ჯოჯოხეთს შიში იპყრობდა; ჩუენ კი,
მაღლობელნი ხმა-ვყოფთ შენდამო:

დიდება შენდა, მხსნელო კაცთაო;
დიდება შენდა, შემმუსვრელო დემონთაო;
დიდება შენდა, შობითა შენითა მთავრისა ხიბლისა
შემადრწუნებელო;
დიდება შენდა, კერპისა სიცბილისა უკუმქცეველო;
დიდება შენდა, ღვთისა შემეცნებისა ნათლითა
ყოვლისა განმაბრწყინებელო;
დიდება შენდა, უმეცრებისა ნისლისა განმფანტველო;

დიდება შენდა, წყლისა მაცხოვრებელისა ჩუენ
 ყოველთათვის მადინებელო;
 დიდება შენდა, მწყურვალისა ადამისა
 დამარწყულებელო;
 დიდება შენდა, მზეო, შობითა შენითა ყოველთა
 განმანათლებელო;
 დიდება შენდა, სხივთა მადლისათა ქვეყნიერებასა
 ზედა მომფენელო;
 დიდება შენდა, აღთქმული მიწისა კაცთათვის
 მაჩვენებელო;
 დიდება შენდა, ყოველგვარ წყევლისაგან დამხსნელო;
*იესო, ძეო ღვთისაო, კაცქმნილო ჩუენთვის, დიდება
 შენდა.*

კონდაკი 7

უფალო, გენება რა აღსრულება განგებულთა
 საუკუნითგან, ყოვლისაგან ქმნულისა მსახურნი
 საიდუმლოისა შენისანი გამოირჩიენ: ანგელოზთაგან
 – გაბრიელ, კაცთაგან – ქალწული, ცათაგან –
 ვარსკვლავი და მიწიდან – ბაგა; მასვე შინა ინებე
 შობაი, მხსნელო, რომლითა განკვირვებულნი
 გამოუთქმელისა ზესთა სიბრძნისა შენისა, ხმა-
 ვყოფთ: *აღიღუია.*

იკოსი 7

ახალი აღგებული გვიჩვენა, აღმგებელმა ჩუენმან
ხორციელად მოვლინებითა; საშოითგან უთესლოისა
აღმოცენდა და დაიცვა იგი უხრწნელად და
შუამდგომელი ხსნისა გვიჩვენა მაგალობელთა ესრეთ:

დიდება შენდა, ძეო ღვთისაო, მშობელისა შენისა
დედისათვის კეთილმოწყალებისა მაჩვენებელო;

დიდება შენდა, შემდგომად შობისა, მისისა
ქალწულად დამმარხველო;

დიდება შენდა, დაცემულისა ადამის აღდგომაო;

დიდება შენდა, ცრემლთა ევასთა ხსნაო;

დიდება შენდა, მოვლენილო ხსნად ყოველთაო;

დიდება შენდა, განმფენელო აღდგომისა სახისაო;

დიდება შენდა, ცოდვათა ჩუენტა ხელწერილისა
განმხეთქელო;

დიდება შენდა, შენისა ჩუენდა მორჩილებისა სახეო;

დიდება შენდა, ჩუენტვის ნებსით დაგლაზაკებულო;

დიდება შენდა, შენისა სიგლაზაკითა

განმამდიდრებელო ჩუენო;

დიდება შენდა, ხსნისა სამოსლისა ჩუენდა

შემმოსველო;

*იესო, ძეო ღვთისაო, კაცქმნილო ჩუენტვის დიდება
შენდა.*

კონდაკი 8

ბაგაში აღსრულებულისა, საკვირველისა ზესთა
დიდებულისა შობისა შენისა მხილველნი, უცხო
ვიქმნებით სოფლისა; ზეცად მივიცვალენით
გონებითა, რამეთუ ღმერთი მოგვევლინა სოფლად
სახედ მორჩილებისა და ზეცამდე აღგვიყვანებს
მღალადებელთა მისთა: *აღილუია*.

იკოსი 8

გულის-თქუმაი ესე სრული, სრული სიტკბოებაი
ღვთიურისა შენისა მოწყალებისა მადიდებელთა და
მოყვარულთა შენ ხარ, ქრისტე ღმერთო; წმიდა
ქალწულისაგან შობილო სოფლად, ზეცად აღგვიყვანე
მგალობელნი შენნი:

დიდება შენდა, ძეო ღვთისაო, შობილო სოფლად;
დიდება შენდა, განმაცხადებელო ჩუენდა სახისა
შენისაო;

დიდება შენდა, შორიელთა შენთაგან მყოფთა,
მომმხმობელო ყოველთაო;

დიდება შენდა, სიხარულო ჩუენო გამოუთქმელო;

დიდება შენდა, გულთა ჩუენტა სიტკბოებაო;

დიდება შენდა, შობითა შენითა ხსნისა ნათლისა
აღმომაბრწყინებელო;

დიდება შენდა, ჩუენისა ხსნისათვის ცრემლეულო;

დიდება შენდა, მითვე ვნებათა ჩუენთა ცეცხლისა
დამშრეტელო;

დიდება შენდა, ცოდვათა ჩუენთა სიბილწეთაგან
განმბანელო;

დიდება შენდა, ბრალეულობისა ჩუენისაგან
დამხსნელო;

დიდება შენდა, უბრწნელებისა ჩუენდა მომნიჭებელო;

*იესო, ძეო ღვთისაო, კაცქმნილო ჩუენთვის, დიდება
შენდა.*

კონდაკი 9

ყოველი გულისხმისმოფელი, ანგელოზებრივი და
კაცებრივი გონება ვერ შემძლებელ არს მისწვდეს შენსა
მიუწვდომელსა შობასა; მაუწყენ მე, უფალო,
დაფარული საიდუმლოისა შენისა, სიყვარული და
სარწმუნოებაი ჩუენი შეიწირე, მომცემელო
წყალობათაო; და გვიხსენ ჩუენ, მგალობელნი
შენდა: *აღიღუთა.*

იკოსი 9

რიტორთა მრავალხმათა, ვითარცა თევზთა უხმოთა,
ვხედავთ შენისა განკაცებისა მიმართ, მეუფეო; თუ
ვითარ ღმერთი სრული, კაცად სრულად მოხვედ და
ვითარ ქალწულისა უქორწინებელისაგან იშევ; ჩუენ

კი, საიდუმლოისა ამისა არგამომცდელნი, რწმენითა მტკიცითა გადიდებთ ესრეთ:

დიდება შენდა, სამგვამოვანისა ღმრთეებისა
სიბრძნეო;

დიდება შენდა, გამოუთქმელო სიხარულო
ყოველთაო;

დიდება შენდა, ბრძენთა სულელად გამომაჩინებელო;

დიდება შენდა, გამომცდელთა შენთა
მარცხვინებელო;

დიდება შენდა, ეშმაკისა ბადეთაგან ყოველთა
დამხსნელო;

დიდება შენდა, ღვთივმავალისა ვარსკვლავითა
ყოველთა განმაბრწყინებელო;

დიდება შენდა, ყოველთა შინა საქმეთა შენთა,
სიბრძნისა გარდმოდიდებაო;

დიდება შენდა, მრავალთა გონებისა
განმანათლებელო;

დიდება შენდა, ცხოვნებისა გზისა ყოველთათვის
მაჩვენებელო;

დიდება შენდა, უფსკრულო უზომოისა
მოწყალებისაო;

დიდება შენდა, სიუხვისა და კაცთმოყვარებისა
ზღვაო;

*იესო, ძეო ღვთისაო, კაცქმნილო ჩუენთვის, დიდება
შენდა.*

კონდაკი 10

ცხოვნება რა სოფლისა ინება ყოველთა შემომქმედმან,
ამისდა მომართ ქალწულისაგან ყრმა იშვა და ბაგასა
შიგან სახვევლითა შეხვეული, განხსნის
მრავალხვეულსა ცოდვასა ტყვეთათა: ძე ღვთისა ძედ
ქალწულისა იწოდების და ყოველსავეს სიბრძნითა
თვისითა განაგებს და იხსნის მგალობელთა
მისთა: *აღიღულია*.

იკოსი 10

ზღუდე და სვეტი ბოროტისა ღვთისმბრძოლობისა და
ნათესავი უსჯულოი გამოსჩნდების; ყოველთა
ცხოვრების მომცემელისათვის სიკვდილსა
განიზრახავს და გუნდსა უმანკოთა ყრმათასა
ხრმლითა მოსრავს; ამისთვისა ჩუენცა, ყოველგვარ
ბოროტებათა გულთაგან მოსვრითა, ჩუენდა ხსნად
მოსულსა ვადიდებთ ღაღადებითა:

დიდება შენდა, იროდისა განზრახვისა ფუჭად
გარდამაქცეველო;
დიდება შენდა, მოსვრილ ყრმათა ანგელოზთა თანა
შემრაცხველო;
დიდება შენდა, სიბოროტისა დამარღვეველო;
დიდება შენდა, სიმდაბლისა მსწავლელო და
მოკვდავთა სიყვარულო;

დიდება შენდა, ამპარტავნებისა რქათა შემმუსვრელო;
 დიდება შენდა, ნათლითა სიმართლისათა ყოველთა
 განმანათლებელო;
 დიდება შენდა, კრძალულებისა და მორჩილებისა
 შენისა ჩუენდა მსწავლელო;
 დიდება შენდა, მწყემსთაგან სასწაულისა და
 მოგვთაგან ძლუენისა მიმღებელო;
 დიდება შენდა, უსიტყვოდ შენდა მსახურებისა
 მასწავლებელო;
 დიდება შენდა, ყოვლისა ქმნულებისა
 განმანათლებელო;
*იესო, ძეო ღვთისაო, კაცქმნილო ჩუენტვის, დიდება
 შენდა.*

კონდაკი 11

გალობაი ყოველი იძლევის შენისა ჩუენდამო
 განკაცებისა ღირსეულად გამოხატვისა მნებებელთა
 და დუმილი უმჯობეს არს, რამეთუ ქვიშათაებრ
 რიცხვთა გალობათა ზღვისათა აღგივლენთ შენ,
 უწმინდესო მეუფეო, გარნა ვერარას აღვასრულებთ
 ღირსეულსა; მითვე კრძალვითა
 გიგალობთ: *აღიღოუია.*

იკოსი 11

ნათელი ხარ მიუაჩრდილებელი, წყვდიადსა შინა
საღმრთოსა მყოფი და სიკვდილისა შემმუსვრელი,
მრავალმოწყალო ღმერთო ჩუენო; შენ, რომელი
ქალწულისაგან წმიდისა გამობრწყინებულად იხილვე,
განგვანათლიერე ჩუენცა შენისა ღვთაებისა
ცეცხლითა; და შენ სიბრძნისა და აზრისა მომცემელსა
გიგალობთ შემსხმელნი შენნი:

დიდება შენდა, ძეო ღვთისაო, ნათელო
გამოუთქმელისაო;
დიდება შენდა, მადლისა მდინარისა ჩუენდა
მწყაროებელო;
დიდება შენდა, ცხოვნებისა წყლითა მწყურვალთა
უხვად დამარწყულებელო;
დიდება შენდა, მოყვარულთა შენთა საღმრთოისა
ტვირთისა და უღელისა დამატკბობელო;
დიდება შენდა, ცოდვათა ტვირთისა
აღმამსუბუქებელო;
დიდება შენდა, მტრისა საქმეთაგან ჩუენო
განმათავისუფლებელო;
დიდება შენდა, შენისა სოფლად მოვლინებითა,
ყოველთა ხარებაო;
დიდება შენდა, ემბაზისა შიგან ნათლისღებითა,
დამბადებელო ყოველთაო;

დიდება შენდა, სასურველო ჩუენო, სოფელსა შინა
გამოჩინებულო;

დიდება შენდა, ჩვენ მტრად ყოფილთა მამასა თანა
შემარიგებულო;

*იესო, ძეო ღვთისაო, კაცქმნილო ჩუენტვის, დიდება
შენდა.*

კონდაკი 12

მადლისა მიცემისა მნებებელი, შეცოდებათა
პირველთა ყოველთა კაცთა ვალისა დამხსნელი,
მოხვედ ჩუენდა, მხსნელო ჩუენო და განკაცებითა
შენითა თანანადებნი ჩუენნი დახსენ და ხელწერილი
ცოდვათაი განხეთქენ შენისა გამოუთქმელისა შობისა
მაქებელთა და დაუცხრომელად
მგალობელთა: *აღიღოუია.*

იკოსი 12

მგალობელნი შობისა შენისანი გაქებთ, გაკურთხებთ
და თაყვანისგცემთ შენ, მაცხოვარო ჩუენო და გვწამს,
რამეთუ ღმერთი და უფალი ხარ უფლებათაი; იხსენ
ყოველი მსასოებელნი შენდა და ქალწულისაგან
გამოუთქმელისა შობისა მაქებელნი ესრეთ:

დიდება შენდა, ძეო ღვთისაო, ცათა შინა და ქვეყანასა
ზედა, მამისა და სულისა წმიდისა თანა

თაყვანცემულო;
 დიდება შენდა, საუკუნითგან დაფარულისა
 საიდუმლოისა განმაცხადებელი;
 დიდება შენდა, შენისა ჩუენდა გამოუთქმელისა
 სიყვარულისა ხატებაო;
 დიდება შენდა, სამკაულო ყოვლისა ქმნულისაო;
 დიდება შენდა, მხსნელო ჩუენო ყოვლადმოწყალო;
 დიდება შენდა, პატიოსანთა მეფეთა სკიპტრისა
 დამამტკიცებელი;
 დიდება შენდა, კრძალულებისა მქადაგებელთა და
 მღვდელთა სიბრძნითა და ღვთისმოსაობითა
 შემამკობელი;
 დიდება შენდა, ეკლესიისა ზღუდეო მტკიცეო;
 დიდება შენდა, ყოველთა ერთგულთა სამკაულო და
 ხსნაო;
 დიდება შენდა, ხორცთა ჩუენტა მკურნალო და
 კურნებაო;
 დიდება შენდა, დამხსნელო სულთა ჩვენთაო;
*იესო, ძეო ღვთისაო, კაცქმნილო ჩუენტვის, დიდება
 შენდა.*

კონდაკი 13

ჰოი, ტკბილო და ყოვლადმოწყალო იესო, მეუფეო,
 შემომქმედო და მხსნელო ჩუენო! მიიღე აწ კნინი ესე
 სამადლობელო ვედრებაი და დიდებისმეტყველებაი

ჩუენი, ვითარ მიიღე მოგვთა ძლუენი და
 თაყვანისცემაი და დაგვიფარენ ჩვენ მონანი შენნი
 ყოვლისაგან საცთურისა; და ცოდვათა მიტევებაი
 მოგვმადლე და სამარადისოისა სატანჯველთაგან
 განგვათავისუფლე სამართლად მადიდებელნი
 ქალწულისაგან შენისა უბიწოისა შობისანი და
 მღალადებელნი შენნი: ალილუია.

ეს კონდაკი სამჯერ და შემდეგ იკოსი 1 და კონდაკი 1.

